

Leikskóli Seltjarnarness

Suðurströnd 1, 3 og í kjallara Seltjarnarneskirkju

Símanúmer: 5959280 / 5959290 / 6942648

Veffang: <http://www.leikskoli.seltjarnarnes.is>

Vefpóstur: soffia@nesid.is / annaha@nesid.is

Leikskólastjóri: Soffía Guðmundsdóttir

Aðst.leikskólastjóri: Anna Harðardóttir

Fjöldi starfsmanna: 60

Fjöldi stöðugilda: 49,93

Leikskóli Seltjarnarness starfar samkvæmt lögum um leikskóla og reglugerðum þeim tengdum. Skólinn telur nú 10 deildir í þremur starfsstöðvum, Mánabrekku og Sólbrekku við Suðurströnd og Holt í Seltjarnarneskirkju. Í skólanum er lögð áhersla á að börn fái tækifæri til að hjálpa sér sjálf eftir því sem þroski þeirra og geta leyfir og þau styrkt til sjálfshjálpar í öllum þáttum daglegs lífs. Leikurinn er hornsteinn leikskólastarfsins því samkvæmt hugmyndafræði leikskóla lærir barn mest og best í leik og samskiptum við börn og fullorðna í frjóu og skapandi umhverfi.

Starfsfólk hefur sameinast um gildin jákvæðni, virðing og fagmennska sem eru höfð að leiðarljósi í daglegu starfi skólans.

Helstu verkefni 2013

Holt

Undirbúningur og standsetning 10 deildar LS. Í Holti eru yngstu börn skólans sem hófu þátttökuaðlögun ásamt foreldrum sínum 14. október. Áður hafði foreldrum verið boðið til kynningarfundar þar sem starf deildarinnar var kynnt og húsnæði skoðað.

Tónlist

Öll börn skólans njóta kennslu tónmenntakennara sem er mikilvæg viðbót við annað tónlistarstarf sem fram fer í skólanum. Tónlistarkennslan er samstarfsverkefni leikskólans við Tónlistarskóla Seltjarnarness.

Umhverfismennt

Leikskólinn flaggar nú í fimmta sinn grænfánanum sem er alþjóðleg viðurkenning fyrir starf að umhverfismennt og menntun til sjálfbærrar þróunar.

Virk umhverfisnefnd er starfandi við skólann sem ásamt eftirlitshópi elstu barnanna hefur það hlutverk að fylgjast með, viðhalda og benda á það sem betur má fara í umhverfismálum.

SMT – skólafærni

Áhersla er lögð á SMT – skólafærni, en verkefnið gengur út á að koma í veg fyrir og draga úr óæskilegri hegðun með því að kenna og þjálfra félagsfærni og gefa jákvæðri hegðun barna gaum með markvissum hætti.

Þátttökuaðlögun

Til að auðvelda og flýta aðlögun barna að hausti er unnið samkvæmt skipulagi þátttökuaðlögunar sem byggir á því að börn sem byrja á sömu deild hefja aðlögun sína saman með fullri þátttöku foreldra í starfi skólans aðlögunardagana.

Sumarskólinn

Er fyrir elstu börn leikskólans sem hefja grunnskólagöngu að hausti. Sumarskólinn er starfræktur í húsnæði grunnskólans. Þar er megin áhersla lögð á að börnin aðlagist húsnæði grunnskólans og mótuneyti, upplifunarferðir og útivist.

Íþróttaskóli Gróttu

Samstarfsverkefni leikskólans og Gróttu þar sem börnin fá kynningu og leiðsögn í þeim íþróttagreinum sem félagið býður upp á þ.e. handbolta, fótbolta og fimleikum.

Leikum, lærum, lifum

Verkefni sem unnið er í samstarfi við Rannung og byggir á tengslum náms og leiks í leikskólum út frá námsviðum aðalnámskrár leikskóla frá 2011.

Persónumöppur

Í möppurnar fara fyrirfram ákveðin verkefni og skráningar sem fylgja börnunum á milli deilda og eru unnar í samvinnu barna, foreldra og leikskólakennara.

Hreyfiland

Tilraunaverkefni með yngri börnum skólans þar sem lögð er áhersla á að efla styrk, þol og almenna hreyfigetu barna í gegnum leik.

Veljum vellíðan

Heilsuefling fyrir allt starfsfólk skólans. Áhersla lögð á fræðslu og skráningarkerfi til að skoða lífsvenjur og áhættuþætti, setja sér markmið og fylgja heilsuáætlun.

Önnur verkefni:

- Námsferð til Ungverjalands
- Leikskólinn er heimaskóli nema við menntavísindasvið HÍ sem felur í sér að sjá þeim fyrir æfingakennurum og vettvangstengingu meðan á námi stendur.
- Jafnréttisstefnan er höfð að leiðarljósi í daglegu starfi.
- Í samstarfi við nágrannasveitarfélögin í Kraganum er boðið upp á fjölbreytta fyrirlestra og námskeið fyrir alla sem starfa í leikskólanum.
- Starfsfólk tók þátt í vinnustaðagreiningu Seltjarnarnesbæjar.

Lykiltölur

Leikskóli Seltjarnarness	2010	2011	2012	2013
Fjöldi nemenda	174	179	179	195
Nemendur 0 – 2 ára	53	59	52	33
Nemendur 2 – 6 ára	121	120	127	162
Hlutfall leiksk.nem. af íbúum Seltj.ness	4,0%	4,1%	4,1%	4,5%
Meðaldvalartími nemenda á dag í LS	8,15	8,01	8,06	7,9
Heildarfjöldi stöðugilda við LS	42,3	43,15	44	49.93

Stöðugildi leikskólakennara á launum	13,49	16,00	15,58	16,03
Hlutfall leikskólakennara í fullu starfi	60,65%	44 %	41%	38,8
Stöðug. starfsfólks með aðra fagmenntun	7,06	8,85	9,62	13,31
Fjöldi annars starfsfólks	22,05	18,30	18,8	20,59
Fjöldi stöðugilda í eldhúsi	3	3	3	3